



文
15
62

七

□ 12
3095
7



12
3095
7

駿河
水邊
醫學
堂
藏
書
印

周禮卷三十九



漢大司農北海鄭玄註
皇明後學東吳金蟠訂

司馬政官之職

大司馬之職掌建邦國之九灋以佐王平邦國。

平成也
正也

制畿封國以正邦國。

封謂立封於疆
為界○畿音祈

設儀辨位以等邦國。

周禮

卷三十九

司馬政官之職

一

永懷堂

儀謂諸侯及諸臣之儀、辨別也、別尊卑之位、

進賢興功以作邦國

興猶舉也、作起也、起其勸善樂業之心、使不惰廢

建牧立監以維邦國

牧州牧也、監監一國、大謂君也、維猶連結也、

制軍詰禁以糾邦國

詰猶窮治也、糾猶正也、

施貢分職以任邦國

職謂職稅也、任猶事也、事以其力之所堪、

簡稽鄉民以用邦國

簡謂比數之稽猶計也、○鄉許亮反、

均守平則以安邦國

諸侯有土地者均之、尊者守大、卑者守小、則法也、

比小事大以和邦國

比猶親使、大國親小國、小國事大國、相合和也、易比象曰、先王以建萬國、親諸侯、○比毗志反、

以九伐之灋正邦國

諸侯有違王命、則出兵以征伐之、所以正之也、諸侯之于國、如樹木之有根本、是以言伐云、

馮弱犯寡則眚之

周禮

卷之三 司馬政官之職

二

承慶堂

馮猶乘陵也言不字小而侵侮之膏猶人肯瘦也王霸記曰四面削其地○馮皮冰反

賊賢害民則伐之

春秋傳曰粗者曰侵精者曰伐又曰有鐘鼓曰伐則伐者兵入其竟鳴鐘鼓以往所以聲其罪○竟音境

暴內陵外則壇之

內謂其國外謂諸侯壇讀如同壇之壇王霸記曰置之空壇之地鄭司農云壇讀從憚之以威之憚書亦或為壇玄謂置之空

壇以出其君更立其次賢者○壇音善

野荒民散則削之

荒蕪也田不治民不附削其地明其不能有

負固不服則侵之

負猶恃也固險可依以固者也不服不事大也侵之者兵加其竟而已用兵淺者詩曰密人不恭敢距大邦

賊殺其親則正之

正之者執而治其罪王霸記曰正殺之也春秋僖二十八年冬晉人執衛侯歸之于京師坐殺其弟叔武

放弑其君則殘之

放逐也殘殺也王霸記曰殘滅其為惡

犯令陵政則杜之

令猶命也王霸記曰犯令者違命也陵政者輕政灋不循也杜之者杜塞使不得與隣國交通

外內亂鳥獸行則滅之

王霸記曰悖人倫外內無以異于禽獸不可親百姓則誅滅去之也曲禮曰夫唯禽獸無禮故父子聚麀○行下孟反去起呂

反夫音符
鹿于牛反

正月之吉始和。布政于邦國都鄙。乃縣政象之灋于象魏。使萬民觀政象。挾日而歛之。

以正月朔日。布王政于天下。至正歲。又縣政灋之書。挾日十日也。○縣音玄。

乃以九畿之籍。施邦國之政職。方千里曰國畿。其外方五百里曰侯畿。又其外方五百里曰甸畿。又其外方五百里曰男畿。又其外方五百里曰采畿。又其外方五百里曰衛畿。又其外方五百里曰蠻畿。又其外方五百里曰夷畿。又其外方五百里曰鎮畿。又其外方五百里曰蕃畿。

畿。猶限也。自王城以外。五千里為界。有分限者九。籍。其禮差之書也。政職。所共王政之職。謂賦稅也。故書畿為近。鄭司農云。近當言畿。春秋傳曰。天子一畿。列國一同。詩殷頌曰。邦畿千里。維民所止。○分符問反。共音恭。凡供字皆作共。後倣此。

凡令賦。以地與民制之。上地食者參之二。其民可用者家三人。中地食者半。其民可用者二家五人。下地食者參之一。其民可用者家二人。

賦。給軍用者也。令邦國之賦。亦以地之美惡。民之眾寡為制。如六遂矣。鄭司農云。上地。謂肥美田也。食者參之二。假令一家有三頃。歲種二頃。休其一頃。下地食者參之一。田薄惡者所休多。○令力呈反。

中春教振旅。司馬以旗致民。平列陳。如戰之陳。

以旗者。立旗期民于其下也。兵者守國之備。孔子曰。以不教民戰。是謂棄之。兵者凶事。不可空設。因蒐狩而習之。凡師出曰治。

兵入日振旅皆習戰也四時各教民以其一焉春習振旅兵入收衆專於農平猶正也○中音仲陳直觀反

辨鼓鐸錡鏡之用王執路鼓諸侯執賁鼓軍將執晉鼓師帥執提旅帥執鼙卒長執鏡兩司馬執鐸公司馬執錡

鼓人職日以路鼓鼓鬼享以賁鼓鼓軍事以晉鼓鼓金奏以金鏡止鼓以金鐸通鼓以金錡節鼓鄭司農云辨鼓鐸錡鏡之用謂錡鐸之屬錡讀如濁其源之濁鏡讀如謹曉之曉提讀如攝提之提謂馬上鼓有曲木提持鼓立馬髦上者故謂之提杜子春云公司馬謂五人為伍伍之司馬也玄謂王不執賁鼓尚之於諸侯也伍長謂之公司馬者雖卑同其號○錡直音角反鏡女交反賁扶云反鼙薄兮反鉦音征謹火官反曉女交反

以教坐作進退疾徐疏數之節

習戰法○數音朔

遂以蒐田有司表貉誓民鼓遂圍禁火弊獻禽以祭社

春田為蒐有司大司徒也掌大田役治徒庶之政令表貉立表而貉祭也誓民誓以犯田農之罰也誓日無于車無自後射立旌遂圍禁旌弊爭禽而不審者罰以假馬禁者虞衡守禽之厲禁也既誓令鼓而圍之遂蒐田火弊火止也春田主用火因焚萊除陳草皆殺而火止獻猶致也屬也田止虞人植旌衆皆獻其所獲禽焉詩云言思其縱獻肩于公春田主祭社者土方施生也鄭司農云貉讀為禡禡謂師祭也書亦或為禡○貉莫駕反貉子工反肩詩作斡音同施式鼓反禡莫駕反

中夏教茺舍如振旅之陳羣吏撰車徒讀書契辨號名之用帥以門名縣鄙各以其名家以號名鄉以州名野以邑名百官各象其事以辨軍之夜事其他皆如振旅

茺讀如萊沛之沛茺舍草止之也軍有草止之灋撰讀日算算車徒謂數擇之也讀書契以簿書校錄軍實之凡要號名者微

周禮

卷五

司馬政官之職

五

元懷堂

識所以相別也。鄉遂之屬謂之名家之屬謂之號。百官之屬謂之事。在國以表朝位。在軍又象其制而為之。被之以備或事。帥謂軍將及師帥。旅帥至伍長也。以門名者。所被徽識。如其在門所樹者也。凡此言以也。象也。皆謂其制同耳。軍將皆命卿。古者為軍將者也。縣鄙謂縣正鄙師至鄰長也。家謂食采地者之臣也。鄉以州名。亦謂州長。至比長也。野謂公邑。大夫百官以其職從王者。此六者皆書其官與各氏焉。門則襄仲右師明矣。鄉則南鄉。魏東鄉為人是也。其他象此云某某之名。某某之號。某某之事而已。未盡聞也。鄉遂大夫文錯不見。以其素信于民。不為軍將。或為諸帥。是以闕焉。夜事戒夜守之事。草止者慎于夜。于是主別其部職。○菱蒲未反。撰息轉反。識音志。輿直偽反。

遂以苗田。如蒐之灋。車弊。獻禽以享祔。

夏田為苗。擇取不孕任者。若治苗去不秀實者。云車弊。驅獸之車止也。夏田主用車。示所取物希。皆殺而車止。王制曰。天子殺則下大綬。諸侯殺則下小綬。大夫殺則止佐車。佐車止則百姓田獵。祔宗廟之夏祭也。冬夏田。主于祭宗廟者。陰陽始起。象神

之在內。○
祔餘若反

中秋教治兵。如振旅之陳。

辨旗物之用。王載大常。諸侯載旂。軍吏載旗。師都載旛。鄉遂載物。

郊野載旒。百官載旟。各書其事。與其號焉。其他皆如振旅。

軍吏諸軍帥也。師都。遂大夫也。鄉遂。鄉大夫也。或載旛。或載物。眾屬。軍吏無所將也。郊謂鄉遂之州長。縣正以下也。野謂公邑大夫。載旒者。以其將。羨卒也。百官。卿大夫也。載旟者。以其屬。衛王也。凡旒。旗有軍旅者。畫異物。無者。帛而已。善當為畫事也。號也。皆畫以雲氣。○書音畫。

遂以獮田。如蒐田之灋。羅弊。罔止。致禽以祀祔。

秋田為獮。獮殺也。羅弊。罔止也。秋田主用罔。中殺者。祔也。皆殺而罔止。祔當為方聲之誤也。秋田主祭四方。報成萬物。詩曰。以

社以方。○獮息。淺反。祊音芳。

中冬教大閱。

春辨鼓鐸。夏辨號名。秋辨旗物。至冬大閱。簡軍實。凡頒旗物。以出軍之旗。則如秋。以尊卑之常。則如冬。司常左。司馬時也。大閱。備軍禮。而旌旗不如出軍之時。空辟實。○辟音避。

前期羣吏戒眾庶脩戰灋。

羣吏。鄉師以下。

虞人萊所田之野為表。百步則一。為三表。又五十步為一表。田之日。司馬建旗于後表之中。羣吏以旗物鼓鐸鑼鑼各帥其民而致。賁。明弊旗誅後至者。乃陳車徒。如戰之陳。皆坐。

鄭司農云。虞人萊所田之野。芟除其草萊。令車得驅馳。詩曰。田卒污萊。玄謂萊。芟除可陳之處。後表之中。五十步表之中央。表所以識正行列也。四表積二百五十步。左右之廣。當容三軍。步數未聞。致致之。司馬賁。正也。弊。仆也。皆坐。當聽誓。○芟所銜反。令力呈反。行戶剛反。

羣吏聽誓于陳前。斬牲以左右徇陳。曰。不用命者斬之。

羣吏。諸軍師也。陳前。南面。鄉表也。月令。季秋。天子教于田獵。以習五戎。司徒摺扑。北面以誓之。此大閱禮實正歲之中冬。而說季秋之政。於周為中冬。為月令者。失之矣。斬牲者。小子也。凡誓之大略。甘誓。湯誓之屬是也。○鄉許亮及摺劉如字。又音箭。

中軍以鼙令鼓。鼓人皆三鼓。司馬振鐸。羣吏作旗。車徒皆作鼓行。鳴鑼。車徒皆行。及表乃止。三鼓。摺鐸。羣吏弊旗。車徒皆坐。

中軍。中軍之將也。天子六軍。三三而居。一偏。羣吏既聽誓。各復其部曲。中軍之將。令鼓。鼓以作其士眾之氣也。鼓人者。中軍之

將帥帥旅師也。司馬兩司馬也。振鐸以作衆，作起也。既起，鼓人擊鼓以行之。伍長鳴鐸以節之，伍長一曰公。司馬及表自後表前至，第二表也。三鼓者，鼓人也。鄭司農云：「鹿，讀如弄，玄謂如逐鹿之鹿，掩上振之爲撫，撫者，正行息氣也。」司馬法曰：「鼓聲不過閭，輦聲不過闌，鐸聲不過琅。」
○撫音鹿，李扶表反，沈音濁。

又三鼓振鐸作旗，車徒皆作鼓進。鳴鐸，車驟徒趨。及表乃止，坐作如初。

趨者，赴敵尚疾之漸也。春秋傳曰：先人有奪人之心。及表，自第二前至第三。○先悉薦反。

乃鼓車馳徒走，及表乃止。

及表，自第三前至前表。

鼓戒三闕，車三發，徒三刺。

鼓戒，戒攻敵。鼓壹闕，車壹轉，徒壹刺。三而止，象服敵。○闕，苦穴反。

乃鼓退，鳴鏡且卻，及表乃止，坐作如初。

鏡所以止鼓，軍退卒長鳴鏡以和衆。鼓人爲止之也。退，自前表至後表。鼓鐸則同習戰之禮，出入一也。異者廢鐸而鳴鏡。○和胡臥反，爲手僞反。

遂以狩田，以旌爲左右和之門，羣吏各帥其車徒，以叙和出左右。陳車徒有司平之旗居卒間，以分地前後。有屯百步，有司巡其前後。險野人爲主，易野車爲主。

冬田爲狩，言守取之，無所擇也。軍門曰和，今謂之壘門，立兩旌以爲之。叙和出，用次第出和門也。左右，或出而左，或出而右。有司平之，鄉師居門，正其出入之行列也。旗，軍吏所載分地，調其部曲疏數，前後有屯百步，車徒異羣相去之數也。車徒畢出和

門鄉師又巡其行陳鄭司農云險野人為主人
居前易野車為主車居前○易以鼓反注同

既陳乃設驅逆之車有司表貉于陳前

驅驅出禽獸使趨田者也逆逆要不得
令走設此車者田僕也○要於逢反

中軍以鼙令鼓鼓人皆三鼓羣司馬振鐸車徒皆作遂鼓行徒銜
枚而進大獸公之小禽私之獲者取左耳

羣司馬謂兩司馬也枚如箸銜之有繯結項中軍法止語為相
疑惑也進行也鄭司農云大獸公之輸之於公小禽私之以自
界也詩云言私其豸獻肩于公一歲為豸二歲為豸三歲為豸
四歲為肩五歲為慎此明其獻大者於公自取其小者玄謂慎
讀為慶爾雅曰豸生三日豸豸曰豸麋豸曰麋獲得也得禽
獸者取左耳當以計功○繯戶卦反又胡麥反犯音巴慶音辰
縱本亦作
獲子工反

及所弊鼓皆駮車徒皆譟

鄭司農云及所弊至所弊之處玄謂至所弊之處田所當於止
也天子諸侯蒐狩有常至其常處吏士鼓譟象攻敵剋勝而喜
也疾雷擊鼓曰駮譟謹也書曰前師乃鼓譟
譟亦謂喜也○駮本亦作駮胡楷反鼓音符

徒乃弊致禽饁獸于郊入獻禽以享烝

徒乃弊徒止也冬田主用衆物多故得取也致禽饁獸于郊聚
所獲禽因以祭四方神于郊月令季秋天子既田命主祠祭禽
四方是也入又以禽
祭宗廟○饁于輒反

及師大合軍以行禁令以救無辜伐有罪

師所謂王巡守若會同司馬起師合軍以從所以威天
下行其政也不言大者未有敵不尚武○從才用反

若大師則掌其戒令涖大小帥執事涖釁主及軍器

大師王出征也。出師也。臨大卜。卜出兵吉凶也。司馬法曰。上下下謀。是謂參之。主謂遷廟之主及社主在軍者也。軍器鼓鐘之屬。凡師既受甲。迎主于廟及社。主祝奉以從。殺牲以血塗主及軍器。皆神之。

及致建大常。比軍衆。誅後至者。

比。或作庇。鄭司農云。致。謂聚衆也。庇。具也。玄謂致。鄉師致民於司馬。比。按次之也。○比。必履反。

及戰。巡陳。眡事而賞罰。

事。謂戰功也。

○眡。音視。

若師有功。則左執律。右秉鉞。以先愷樂。獻于社。

功。勝也。律。所以聽軍聲。鉞。所以爲將威也。先。猶道也。兵樂曰愷。獻于社。獻功于社也。司馬法曰。得意則愷樂。愷。歌示喜也。鄭司農云。故城濮之戰。春秋傳曰。振旅。愷以入于晉。○道。音導。

若師不功。則厭而奉主車。

鄭司農云。厭。謂厭冠。喪服也。軍敗。則以喪禮。故秦伯之敗於殽也。春秋傳曰。秦伯素服郊次。鄉師而哭。玄謂厭。伏冠也。秦猶送也。送主歸于廟與社。○

大。王弼勞士。庶子則相。

師敗。王親弔士。庶子之死者。勞其傷者。則相王之禮。庶子。卿大夫之子。從軍者。或謂之庶士。○勞。力報反。相。息亮反。

大。役與慮事。屬其植。受其要。以待攷而賞誅。

大。役。築城邑也。鄭司農云。國有大役。大司馬與謀慮其事也。植。謂部曲將吏。故宋城。春秋傳曰。華元爲植。巡功。屬謂聚會之也。要者。簿書也。攷。謂考校其功。玄謂慮事者。封人也。於有役。司馬與之植。築城也。屬。賦丈尺。與其用人數。○與。慮音預。注與謀。同。屬音燭。植。直吏反。華。化戶反。植。音真。

大會同則帥士庶子而掌其政令

師帥以從王

若大射則合諸侯之六耦

大射王將祭射於射宮以選賢也王射三侯以諸侯為六耦

大祭祀饗食羞牲魚投其祭

牲魚魚牲也祭謂尸賓所以祭也鄭司農云大司馬主祭魚牲○食音嗣後饗食皆放此

大喪平士大夫

鄭司農云平一其服也玄謂平者正其職與其位

喪祭奉詔馬牲

王喪之以馬祭者蓋遣奠也奉猶送也送之至墓告而藏之

周禮卷二十九

司禮

卷九

司馬政官之職

士

永懷堂

席

行司馬關

司勳掌六鄉賞地之灋以等其功。

賞地賞田也在遠郊之內屬六鄉焉等猶差也以功大小為差

王功曰勳。

輔成王業若周公

國功曰功。

保全國家若伊尹

民功曰庸。

法施於民若后稷

事功曰勞。

以勞定國若禹

治功曰力。

制法成治若咎繇

戰功曰多。

制法成治若咎繇

凡有功者銘書于王之太常祭于大烝司勳詔之。

銘之言名也生則書于王旌以識其人與其功也死則於烝先王祭之詔謂告其神以辭也盤庚告其卿大夫曰茲予大享于先王爾祖其從與享之是也今漢祭功臣於廟庭○識音志與音預

禮

卷三

司馬政官之職

二

承宸堂

大功司勳藏其賞

與享之長也今與

貳猶副也功書藏于天府也與告其饋大夫曰茲于大享于又副於此者以其主賞王感以歸其人與其也

掌賞地之政令

于王之常祭于大祭同禮

政令謂

役賦

凡賞無常輕重眡功

無常者功之大小不可豫

凡頒賞地參之一食

鄭司農云不以美田為采邑玄謂賞地之稅參分計稅王食其一也二全入於臣

惟加田無國正

加田既賞之又加賜以田所以厚恩也鄭司農云正謂稅也祿田亦有給公家之賦貢若今時候國有司農少府錢穀矣獨加賞之田無正耳○正音征少詩照反

馬質掌質馬馬量三物一曰戎馬二曰田馬三曰駑馬皆有物賈

此三馬買以給官府之使無種也鄭司農曰皆有物賈皆有物色及賈直○賈音稼

綱惡馬

鄭司農云綱讀為以亢其讎之亢書亦或為亢亢御也禁也禁去惡馬不畜也玄謂綱以縻索維綱狎習之○去起呂反

凡受馬于有司者書其齒毛與其賈馬死則旬之內更旬之外入

馬耳以其物更其外否

鄭司農云更謂償也玄謂旬之內死者償以齒毛與賈受之日淺養之惡也旬之外入馬耳償以毛色不以齒賈任之過其

任也其外否有旬之外踰二十日而灰不任用非用者罪○更音庚

馬及行則以任齊其行

識其所載輕重及道里齊其勞逸乃復用之

若有馬訟則聽之

訟謂賣買之言相負

禁原蠶者

原再也天文辰為馬蠶書蠶為龍精月直大火則浴其種是蠶與馬同氣物莫能兩大禁再蠶者為傷馬與○為傷于偽反

量人掌建國之灋以分國為九州營國城郭營后宮量市朝道巷門渠造都邑亦如之

建立也立國有舊法式若匠人職云分國定天下之國分也后君也言君容王與諸侯○朝直遙反國分扶問反

營軍之壘舍量其市朝州涂軍社之所里

軍壁曰壘鄭司農云量其市朝州涂還市朝而為道也玄謂州一州之眾二千五百人為師每師一處市也朝也州也皆有道以相之軍社社主在軍者里居也○涂本又作塗

邦國之地與天下之涂數皆書而藏之

書地謂方園山川之廣狹書涂謂支湊之遠近

凡祭祀饗賓制其從獻脯燔之數量

鄭司農云從獻者肉殺從酒也玄謂燔從于獻酒之肉炙也數多少也量長短也○炙章夜反

掌喪祭奠窆之筮實

司禮

卷三

司馬政官之職

四

禮記

窶亦有俎實謂所包遺奠士喪禮下篇
曰藏苞笱於窶○窶昌絹反笱所交反

凡宰祭與鬱人受單歷而皆飲之

言宰祭者冢宰佐王祭亦容攝祭鄭司農云單讀如嫁娶之嫁
單器名明堂位曰爵夏后氏以琖殷以單周以爵玄謂單讀如
嘏尸之嘏案冢宰○單古
雅反琖側產反嘏古雅反

小子掌祭祀羞羊肆羊般肉豆

鄭司農云羞進也羊肆體薦全烝也羊般體解節折也肉豆者
切肉也玄謂肆讀為鬣羊鬣者所謂豚解也○鬣他歷反一音
餘四
反

而掌珥于社稷祈于五祀

故書祀作禩鄭司農云禩讀為祀書亦或為祀珥社稷以牲頭
祭也玄謂珥讀為衄祈或為剗剗衄者釁禮之事也用毛牲曰

剗羽牲曰衄衄剗社稷五祀謂始成其宮兆時也春官肆師職
祈或作畿秋官司師職曰凡剗衄則奉大牲此剗衄正字與○
衄而志反祈音機
禩音祀剗音機

凡沈辜侯禳飾其牲

鄭司農云沈謂祭川爾雅曰祭川曰浮沈辜謂磔牲以祭也月
令曰九門磔禳以畢春氣侯禳者侯四時惡氣禳去之也○禳
如羊反磔
陟格反

釁邦器及軍器

邦器謂禮樂之器及祭器之屬雜記曰凡宗
廟之器其名者成則釁之以豶豚○豶音家

凡師田斬牲以左右狗陳

示犯誓
必殺之

祭祀贊羞受徹焉。

羊人掌羊牲凡祭祀飾羔。

羔小羊也詩曰四之日其蚤獻羔祭韭

祭祀割羊牲登其首。

登升也升首報陽也升首于室

凡祈珥共其羊牲。

共猶給也

賓客共其灋羊。

灋羊發饗積膳之羊○發饗本又作食饗音食

凡沈辜侯禴釁積共其羊牲。

積故書為眡鄭司農云眡讀為漬謂釁國寶漬軍器也玄謂積積柴禋祀櫛燎實柴○眡徐賜反與漬同櫛羊久反

若牧人無牲則受布于司馬使其賈買牲而共之。

布泉○賈音古

司燿掌行火之政令四時變國火以救時疾。

行猶用也變猶易也鄭司農說以鄒子曰春取榆柳之火夏取棗杏之火季夏取桑柘之火秋取柞櫛之火冬取槐檀之火○櫛羊久反

季春出火民咸從之季秋內火民亦如之。

火所以用陶治民隨國而為之鄭人鑄刑書火星未出而火後有災鄭司農云以三月本時昏心星見于辰上使民出火九

周禮

卷下 司馬政官之職

六

天官

時則施火令。月本黃昏，心星伏在戌上，使民內火。故春秋傳曰：以出內火。○見賢遍反。

焚菜之時。

凡祭祀則祭燿。

報其為明之功，禮如祭爨。

凡國失火，野焚萊，則有刑罰焉。

野焚萊，民擅放火。

掌固掌脩城郭溝池樹渠之固，頒其士庶子及其眾庶之守。

樹謂枳棘之屬，有刺者也。眾庶，民遞守固者也。鄭司農說：樹以國語曰：城守之木。於是乎用之。○枳居氏反。遞待禮反。

設其飾器。

兵甲之屬，今城郭門之器亦然。

分其財用，均其稍食。

財用，國以財所給守吏之用也。稍食，祿廩。

任其萬民，用其材器。

任，謂以其任使之也。民之材器，其所用塹築及為藩落。○塹七豔反。

凡守者受灋焉，以通守政。有移甲與其役財用，唯是得通與國有司帥之，以贊其不足者。

凡守者，士庶子及他要害之守吏。通守政者，兵甲役財難易多少，轉移相給也。其他非是，不得妄離部署。國有司，掌固也。其移

司農

卷三

司馬政官之職

七

禮記

之者又與掌固帥致之贊佐也○凡守收又反下有守者同易以鼓反離力智反

晝三巡之夜亦如之

巡行也行守者為衆庶之解情○行下孟反下皆同為于偽反解佳賣反

夜三鼙以號戒

杜子春云讀鼙為造次之造謂擊鼓行夜戒守也春秋傳所謂賓將趣者與趣與造音相近故曰終夕與燎玄謂鼙擊鼙警守鼓也三巡之間又三擊鼙○鼙音成造七報反趣莊久反與燎音預

若造都邑則治其固與其守澧

都邑亦為城郭

凡國都之竟有溝樹之固郊亦如之

竟界也○竟音境

民皆有職焉

職謂守與任

若有山川則因之

山川若般臯河漢

司險掌九州之圖以周知其山林川澤之阻而達其道路

周猶徧也達道路者山林之阻則開鑿之川澤之阻則橋梁之

設國之五溝五涂而樹之林以為阻固皆有守禁而達其道路

五溝遂溝洫會川也五涂徑畛涂道路也樹之林作藩落也○洫況域反澮古外反

司豐

卷三

司馬政官之職

八

永懷堂

國有故則藩塞阻路而止行者以其屬守之唯有節者達之

有故喪災及兵也閉絕要害之道備姦寇也

掌疆

關

候人各掌其方之道治與其禁令以設候人

道治治道也國語曰候不在竟譏不居其方也禁令備姦寇也以設候人者選士卒以為之詩云彼候人兮何戈與殳○何胡我反殺都外反

若有方治則帥而致于朝及歸送之于竟

方治其方來治國事者也春秋傳曰晉欒盈過周王使候人出諸輶輶是其送之○朝直逢反輶戶關反

環人掌致師

致師者致其必戰之志古者將戰先使勇力之士犯敵焉春秋傳曰楚許伯御樂伯攝叔為右以致晉師許伯曰吾聞致師者御靡旌摩壘而還樂伯曰吾聞致師者左射以葢代御執轡御下柄馬掉鞅而還攝叔曰吾聞致師者右入壘折馘執俘而還皆行其所聞而復之○葢側雷反柄音兩馘古獲反俘音孚

察軍慝

慝陰姦也視軍中有為慝者則執之

環四方之故

卻其以事謀來侵伐者所謂折衝禦侮

巡邦國搏謀賊

謀賊反間為國賊○間問廁之間

司馬

司馬

司馬政官之職

九

司馬

訟敵國。

敵國兵來則往之與訟曲直若齊國佐如師

揚軍旅。

為之威武以觀敵詩云維師尚父時維鷹揚

降圍邑。

圍邑欲降者受而降之春秋傳曰齊人降鄆○降戶江反鄆音章

挈壺氏掌挈壺以令軍井。挈轡以令舍。挈畚以令糧。

鄭司農云挈壺以令軍井謂為軍穿井井成挈壺縣其上令軍中士眾皆望見知此下有井壺所以盛飲故以壺表井挈轡以令舍亦縣轡于所當舍止之處使軍望見知當舍止于此轡所以駕舍故以轡表舍挈畚以令糧亦縣畚于所當稟假之處令

軍望見知當稟假于此下也畚所以盛糧之器故以畚表稟軍中人多車騎雜會謹置號令不能相聞故各以其物為表省煩趨疾于事便也○畚音本為于偽反下為沃同縣音玄下皆同令力呈反盛音成下同稟彼錦反

凡軍事縣壺以序聚橐。凡喪縣壺以代哭者皆以水火守之。分以

日夜。

鄭司農云縣壺以為漏以序聚橐以次更聚擊橐備守也玄謂擊橐兩木相敲行夜時也代亦更也禮未大斂代哭以水守壺者為沃漏也。以火守壺者夜則火視刻數也。分以日夜者異晝夜漏也。漏之箭晝夜共百刻。冬夏之間有長短焉。大史立成法有四十八箭。○橐音託更音庚行下孟反共如字

及冬則以火爨鼎水而沸之。而沃之。

鄭司農云冬冰凍漏不下故以火炊水沸以沃之謂沃漏也。○爨七端反

司農

司馬政官之職

示懷堂

射人掌國之三公孤卿大夫之位三公北面孤東面卿大夫西面其摯三公執璧孤執皮帛卿執羔大夫鴈

位將射始入見君之位不言士者此與諸侯之賓射士不與也燕禮曰公升即位于席西鄉小臣納卿大夫卿大夫皆入門右北面東上士位于西方東面北上大射亦云則凡朝燕及射臣見于君之禮同○見賢遍反不與音預鄉許亮反朝燕直遙反

諸侯在朝則皆北面詔相其灋

謂諸侯來朝而未歸王與之射于朝者皆北面從三公位灋其禮儀○相息亮反

若有國事則掌其戒令詔相其事

謂王有祭祀之事諸侯當助其薦獻者也戒令告以齊與期○齊側皆反

掌其治達

謂諸侯因與王射及助祭而有所治受而達之于王王有命又受而下之

以射灋治射儀王以六耦射三侯三獲三容樂以騶虞九節五正諸侯以四耦射二侯二獲二容樂以貍首七節三正孤卿大夫以三耦射一侯一獲一容樂以采蘋五節二正士以三耦射豻侯一獲一容樂以采芣五節二正

射法王射之禮治射儀謂肄之也鄭司農云三侯虎熊豹也容者乏也待獲者所蔽也九節析羽九重設于長杠也正所射也詩云終日射侯不出正兮二侯熊豹也豻侯豻者獸名也獸有貍豻熊虎玄謂三侯者五正三正二正之侯也二侯者三正二正之侯也一侯者二正而已此皆與賓射於朝之禮也考工梓人職曰張五采之侯則遠國屬遠國謂諸侯來朝者也五采之侯即五正之侯也正之言正也射者內志正則能中焉畫五正之侯中朱次白次蒼次黃玄居外三正損玄黃二正去白蒼而

司農

卷三

司馬政官之職

七

射人

畫以朱綠其外之廣皆居侯中參分之一中二尺今儒家云四尺曰正二尺曰鵠鵠乃用皮其大如正此說失之矣大射禮射作于讀如宜射宜獄之射射胡犬也士與士射則以射皮飾侯下大夫也大夫以上與賓射飾侯以雲氣用采各如其正九節七節五節者奏樂以為射節之差言節者容侯道之數也樂記曰明乎其節之志不失其事則功成而德行立○正音征下及注同射五旦反劉音鴈重直龍反杠音江驅劬誅反言正音政下志正大射正同能中丁仲反去白起呂反行下孟反

若王大射則狸步張三侯

鄭師農云狸步謂一舉足為一步於今為半步玄謂狸善搏者也行則止而擬度焉其發必獲是以量侯道法之也侯道者各以弓為度九節者九十弓七節者七十弓五節者五十弓弓之下制長六尺大射禮曰大侯九十參七十五十是也三侯者司裘所共虎侯熊侯豹侯也列國之君大射亦張三侯數與天子同大侯熊侯也參讀為慘糝雜也雜者豹鵠而麋飾下天子大夫○度待洛反參讀為慘素感反干與射同五旦反

王射則令去侯立于後以矢行告卒令取矢

鄭司農云射人主令人去侯所而立于後也以矢行告射人主以矢行高下左右告于王也大射禮曰夫射正立于公後以矢行告于公下曰留上曰揚左右曰方杜子春說以矢行告告白射事于王王則執矢也杜子春說不與禮經合疑非是也令卒取矢謂射卒射人令當取矢者使取矢也玄謂令去侯者命負侯者去侯也鄉射曰司馬命獲者執旌以負侯

祭侯則為位

祭侯獻服不服不以祭侯為位為服不受獻之位也犬射曰服不侯西北三步北面拜受爵

與大史數射中

射中數射者中侯之算也犬射曰司射適階西釋弓去扑襲進由中東立于中南北面視算

佐司馬治射正

司馬

卷三

司馬政官之職

七

承襲堂

射正射之法儀也

祭祀則贊射牲相孤卿大夫之灋儀。

烝嘗之禮有射豕者國語曰禘郊之事天子必自射其牲今立秋有驅劉云○驅力朱反

會同朝覲作大夫介凡有爵者

作讀如作止爵之作諸侯來至王使公卿有事焉則作大夫使之介也有爵者命士以上不使賤者

大師令有爵者乘王之倅車

倅車戎車之副○倅七內反

有大賓客則作卿大夫從

作者選使從王見諸侯○從才用反

戒大史及大夫介

戒戒其當行者覲禮曰諸公奉篋服加命書于其上并自西階東面大史氏右

大喪與僕人遷尸作卿大夫掌事比其廬不敬者苛罰之

僕人大僕也僕人與射人俱掌王之朝位也王崩小斂大斂遷尸于室堂朝之象也檀弓曰扶君卜人師扶右射人扶左君薨以是舉苛謂詰問之○比毗志反苛呼何反朝直遙反

服不氏掌養猛獸而教擾之

猛獸虎豹熊羆之屬擾馴也教習使之馴服王者之教無不服

凡祭祀共猛獸

謂中膳羞者獸人冬獻狼春秋傳曰熊蹯不熟○蹯音煩

司馬

司馬

司馬政官之職

三

禮記

賓客之事則抗皮

鄭司農云謂賓客來朝聘布皮帛者服不氏主舉藏之抗讀為亢其讎之亢玄謂抗者若聘禮曰有司二人舉皮以東

射則贊張侯以旌居之而待獲

贊佐也大射禮曰命量人中車張三侯杜子春云待當為持書亦或為持之讀為匱乏之乏持獲者所蔽玄謂持獲待射者中舉旌以獲中丁仲反

射鳥氏掌射鳥

鳥謂中膳羞者鳧鴈鴝鶒之屬射食亦反鳧音扶鴝音保鶒于苗反

祭祀以弓矢毆鳥鳧凡賓客會同軍旅亦如之

鳥鳧善鈔盜便汗人毆起俱反鈔初教反

射則取矢矢在侯高則以并夾取之

鄭司農云主射則射鳥氏主取其矢矢在侯高者矢著侯高人手不能及則以并夾取之并夾鉞箭具夾讀為甲故司弓矢職曰大射燕射共弓矢拜夾著直略反鉞其炎反

羅氏掌羅鳥鳥

鳥謂卑居鵠之屬卑音匹

蜡則作羅襦

作猶用也鄭司農云蜡謂十二月大祭萬物也郊特性曰天子大蜡謂歲十二月合聚萬物而索饗之襦細密之羅襦讀為縠有衣袂之縠玄謂蜡建亥之月此時火伏蟄者畢矣豺既祭獸可以羅網圍取禽也王制曰豺祭獸然後田又曰昆蟲已蟄可以火田今俗放火張羅其遺教○襦注縠同和女居反

司馬政官之職

中春羅春鳥獻鳩以養國老行羽物。

春鳥，鵙而始出者。若今南郡黃雀之屬，是時鷹化為鳩。鳩與春鳥變舊為新，宜以養老。助生氣行，謂賦賜。中音仲。

掌畜，掌養鳥而阜蕃，教擾之。

阜，猶盛也。蕃，蕃息也。鳥之可養使盛。大蕃息者，謂鷺鷥之屬。鷺音木。

祭祀共卵鳥。

其卵可薦之鳥。

歲時貢鳥物。

鴉鴈之屬，以四時來。

共膳獻之鳥。

雉及鶉鴛之屬。鶉音純，鴛音如。

周禮卷三十 終

周禮

卷三十

司馬政官之職

百

居禮堂

以德詔爵。以功詔祿。以能詔事。以久奠食。

德謂賢者食稍食也。賢者既爵乃祿之能者事成乃食之。王制曰。司馬辨論官材。論進士之賢者以告于王。而定其論。論定然。後官之。任官然後爵之位定。然後祿之。○奠音定。乃食音嗣。

惟賜無常。

賜多少由王。不。如祿食有常品。

正朝儀之位。辨其貴賤之等。王南鄉。三公北面東上。孤東面北上。卿大夫西面北上。王族故士虎士。在路門之右。南面東上。大僕大右。大僕從者。在路門之左。南面西上。

此王日視朝事於路門外之位。王族故士。故為士。晚退留宿衛者未嘗仕。雖同族不得在王宮。大右。司右也。大僕從者。小臣祭。

司士擯。

僕御僕隸僕。○朝直遙反。鄉許亮反。大音泰。下倣此。

孤卿特揖。大夫以其等旅揖。士旁三揖。王還揖門左。揖門右。

特揖。一一揖之旅。衆也。大夫爵同者衆。揖之。公及孤卿大夫。始入門。右皆北面東上。士揖之。乃就位。羣士及故士。大僕之屬。發在其位。羣士位東面。王西南鄉而揖之。三揖者。士有上中下。王揖之。皆遂遁。既復位。鄭司農云。卿大夫士皆君之所揖。禮春秋傳所謂三揖在。下。○遁音巡。

大僕前。

前正王視朝之位。

周禮

卷三

司馬政官之職

二

承襲堂

王入內朝皆退。

王入，入路門也。王入路門內朝，朝者皆退，反其官府治處也。王之外朝則朝士掌焉。玉藻曰：朝服以日視朝於內朝，朝辨色始入。君日出而視之，退適路寢聽政，使人視大夫，大夫退，然後適小寢，謂諸侯也。王日視朝，皮弁服，其禮則同。

掌國中之士治，凡其戒令。

國中，城中。

掌擯士者膳其摯。

擯士，告見初為士者於王也。鄭司農云：膳其摯者，王食其所執羔鴈之摯，玄謂膳者，入於王之膳人。○見賢通反，食音嗣。

凡祭祀，掌士之戒令，詔相其灋事及賜爵，呼昭穆而進之。

賜爵，神惠及下也。此所賜王之子姓兄弟，祭統曰：凡賜爵，昭為一，穆為一，昭與昭齒，穆與穆齒，凡羣有司皆以齒，此之謂長幼。

有序，○相息亮反，長丁丈反。

帥其屬而割牲，羞俎豆。

割牲，制體也。羞，進也。

凡會同，作士從，賓客亦如之。

作士從，謂可使從於王者。○從才用反。

作士適四方使為介。

士使，謂自以王命使也。介，大夫之介也。春秋傳曰：天王使右尚來歸朕，○朕上軫反。

大喪，作士掌事。

事，謂奠斂之屬。

司馬

卷三

司馬政官之職

三

承襲堂

作六軍之士執披。

作謂使之也披，柩車行所以披持棺者，有紐以結之謂之戴。鄭司農云披者扶持棺險者也。天子旁十二，諸侯旁八，大夫六，士四。玄謂結披必當棺束於束繫紐。天子諸侯戴柩三束，大夫士二束。喪大記曰君纁披六，大夫披四，前纁後玄，士二披用纁。人君禮文欲其數多，圍數兩旁言六耳，其實旁三。○披方寄反。

凡士之有守者，令哭無去守。

守官不可空也。○守守又反，下皆同。

國有故，則致士而頒其守。

故，非喪則兵災。

凡邦國三歲則稽士任，而進退其爵祿。

任其所掌治。

諸子掌國子之倅，掌其戒令與其教治，辨其等，正其位。

故書倅為卒，鄭司農云卒讀如物，有副倅之倅。國子謂諸侯卿大夫士之子也。燕義曰古者周天子之官有庶子，官與周官諸子職同。文玄謂四民之業而士者亦世焉。國子者是公卿大夫士之副貳戒令，致於大子之事，教治脩德學道也。位，朝位。○倅七內反，大子音泰。

國有大事，則帥國子而致於大子，惟所用之。若有兵甲之事，則授之車甲，合其卒伍，置其有司，以軍法治之。司馬弗正。

軍廩，百人為卒，五人為伍，弗不也。國子屬太子司馬，雖有軍士不賦之。○正音征，下國正同。

凡國正弗及。

司馬

司馬政官之職

大祭祀正六牲之體。

正謂禮載之。

凡樂事正舞位授舞器。

位侑處。

大喪正羣子之服位會同賓客作羣子從。

從于王。

凡國之政事國子存遊倅使之脩德學道春合諸學秋合諸射以攷其藝而進退之。

遊倅倅之未仕者學大學也射射宮也王制曰春秋教以禮樂冬夏教以詩書王太子王子羣后之太子卿大夫元士之適子

國之俊選皆造焉。○適丁歷反。

司右掌羣右之政令。

羣右戎右齊右道右。○齊側皆反。

凡軍旅會同合其車之卒伍而比其乘屬其右。

合比屬謂次第相安習也車亦有卒伍。○比毗志反乘繩證反屬音燭。

凡國之勇力之士能用五兵者屬焉掌其政令。

勇力之士屬焉者選右當於中司馬灋曰弓矢圍矢矛守戈戟助凡五兵長以衛短短以救長。○受音殊。

虎賁氏掌先後王而趨以卒伍。

王出將虎賁士居前後雖羣行亦有局分。○賁音奔先悉薦反後戶豆反將子匠反分扶問反。

司馬

卷三

司馬政官之職

五

永懷堂

軍旅會同亦如之。舍則守王閑。

舍王出所正宿處閑。桂柅。○桂薄禮反。柅戶故反。

王在國則守王宮。

為周衛。

國有大故則守王門。大喪亦如之。

非常之難要在門。○難乃且反。

及葬從遣車而哭。

遣車王之魂魄所馮依。○從才用反。馮皮冰反。

適四方使則從士大夫。

虎士從使者。

若道路不通有徵事則奉書以使于四方。

不通逢兵寇若泥水奉書徵師役也。春秋隱公七年冬戎伐凡伯于楚丘以歸。

旅賁氏掌執戈盾夾王車而趨。左八人右八人車止則持輪。

夾王車者其下士也。下士十有六人。中士為之帥焉。○盾常準反。

凡祭祀會同賓客則服而趨。

服而趨夾王車趨也。會同賓客王亦齊服服袞冕則此士之齊服服玄端。

喪紀則衰葛執戈盾。

葛葛經武士尚輕。○衰七雷反。

軍旅則介而趨

介被甲

節服氏掌祭祀朝覲衮冕六人維王之太常

服衮冕者從王服也維維之以縷王旌十二旒兩兩以縷綴連旁三人持之禮天子旌曳地鄭司農云維持之

諸侯則四人其服亦如之郊祀裘冕二人執戈送逆尸從車

裘冕者亦從尸服也裘大裘也凡尸服卒者之上服從車從尸車送逆之往來春秋傳曰晉祀夏郊董伯為尸

方相氏掌蒙熊皮黃金四目玄衣朱裳執戈揚盾帥百隸而時難以索室毆疫

蒙冒也冒熊皮者以驚毆疫癘之鬼如今魁頭也時難四時作方相氏以難卻凶惡也月令季冬命國難索瘦也○難乃多反

註同毆起俱反魁音欺

大喪先匱

葬使之道○先匱悉薦反下音柩道音導

及墓入壙以戈擊四隅毆方良

壙穿地中也方良罔兩也天子之椁柏黃腸為裏而表以石焉國語曰木石之怪夔罔兩○壙苦晃反方良上音罔下音兩註同夔求龜反

大僕掌正王之服位出入王之大命

服王舉動所當衣也位立處也出大命王之敎也入大命羣臣所奏行

掌諸侯之復逆

司豐

卷三

司馬政官之職

七

承襲堂

鄭司農云復謂奏事也逆謂受下奏

王既朝則前正位而退入亦如之。

前正位而退道王王既立退居路門左待朝畢

建路鼓于大寢之門外而掌其政。

大寢路寢也其門外則內朝之中如今宮殿端門下矣政鼓節與早晏

以待達窮者與遽令聞鼓聲則速逆御僕與御庶子。

鄭司農云窮謂窮寃失職則來擊此鼓以達於王若今時上變事擊鼓矣遽傳也若今時驛馬軍書當急聞者亦擊此鼓令聞此鼓聲則速逆御僕與御庶子也大僕主令此二官使速逆窮遽者玄謂窮達者謂司寇之屬朝士掌以肺石達窮民聽其辭以告于王遽令郵驛上下程品御僕御庶子直事鼓所者大僕聞鼓聲則速逆此二官當受其事以聞○傳張戀反令力呈反

郵音尤

祭祀賓客喪紀正王之服位詔灋儀贊王牲事。

詔告也牲事殺割七載之屬

王出入則自左馭而前驅。

前驅如今道引也道而居左自馭不駮乘辟王也亦有車右焉○乘繩證反辟音避

凡軍旅田役贊王鼓。

王通鼓佐擊其餘面

救日月亦如之。

日月食時春秋傳曰非日月之眚不鼓

大喪始崩。戒鼓傳達于四方。窆亦如之。

戒鼓擊鼓以警衆也。故書戒爲駭。鄭司農云。窆謂葬下棺也。春秋傳所謂日中而崩。禮記謂之封。皆葬下棺也。音相似。窆讀如同劉皆通。鄧反。崩補。鄧反。汜芳。劒反。

縣喪首服之灋于宮門。

首服之灋。謂免髮笄總。廣狹長短之數。縣其書于宮門。示四方。○縣音玄。免音問。髮莊瓜反。

掌三公孤卿之弔勞。

王使往。○勞力報反。

王燕飲則相其灋。

相左右。○相息亮反。

王射則贊弓矢。

贊謂授之受之。

王眡燕朝則正位。掌擯相。

燕朝朝于路寢之庭。王圖宗人之嘉事則燕朝。

王不眡朝則辭于三公及孤卿。

辭謂以王不視朝之意告之。春秋傳曰。公有疾不視朝。

小臣掌王之小命。詔相王之小灋儀。

小命時事所勅問也。小灋儀趨行拱揖之容。

掌三公及孤卿之復逆。正王之燕服位。

司禮

卷三

同馬政官之職

水滸堂

謂燕居時也。玉藻曰：王卒食，玄端而居。

王之燕出入則前驅。

燕出入，若今游于諸觀苑。○觀，古喚反。

大祭祀朝覲沃盥。

小祭祀賓客饗食賓射。掌事如大僕之灋。

賓射，與諸侯來朝者射。○盥，音管。

掌士大夫之弔勞。

凡大事佐大僕。

祭僕掌受命于王以眡祭祀而警戒祭祀有司糾百官之戒具。

謂王有故不親祭也。祭祀有司有事於祭祀者，糾謂按錄所當共之牲物。

既祭帥羣有司而反命以王命勞之。誅其不敬者。大喪復于小廟。

小廟，高祖以下也。始祖曰太廟。春秋僖八年秋七月禘於太廟。

凡祭祀王之所不與則賜之禽。都家亦如之。

鄭司農云：王之所不與，謂非郊廟尊祭祀則王不與也。則賜之禽，公卿自祭其先祖則賜之禽也。玄謂王所不與，同姓有先王之廟。○與音預，註同。

凡祭祀致福者展而受之。

臣有祭事，必致祭肉於君，所謂歸胙也。展，謂錄視其牲體數體數者。太牢則以牛左肩臂臠折九个，少牢則以羊左肩七个，特牲則以豕左肩五个。○昨，存故反。臠，奴報反。折之，舌反。个，古賀反。

御僕掌羣吏之逆及庶民之復與其弔勞。

羣吏府史以下

大祭祀相盥而登。

相盥者謂奉槃授中與登謂為王登牲體於俎特牲饋食禮主人降盥出舉入刀七載○奉芳勇反為于僞反

大喪特饗。

饗棺飾也特之者夾屨車○饗所甲反

掌王之燕令。

燕居時之令

以序守路鼓。

序更○更音庚

隸僕掌五寢之埽除糞洒之事。

五寢五廟之寢也周天子七廟惟祧無寢詩云寢廟釋釋相連貌也前曰廟後曰寢汜埽曰埽埽席前曰拊洒灑也鄭司農云洒當為灑玄謂論語日子夏之門人當洒掃應對○埽素報反糞方問反洒所賣反祧勅彫反拊方問反灑所買反

祭祀脩寢。

於廟祭寢或有事焉月令凡新物先薦寢廟

王行洗乘石。

鄭司農云乘石王所登上車之石也詩云有扁斯石履之卑今謂上車所登之石○乘如字上時掌反下同扁邊典反

掌蹕宮中之事。

周禮

卷三

司馬政官之職

宮中在事則踣鄭司農云踣謂止行者清道若今時做蹕

大喪復於小寢大寢

小寢高祖以下廟之寢也始祖曰大寢

周禮卷三十一

終

周禮卷三十二

漢大司農北海鄭玄註

皇明後學東吳葛鼎訂

司馬政官之職

弁師掌王之五冕皆玄冕朱裏延紐

冕服有六而言五冕者大裘之冕蓋無旒不聯數也延冕之覆在上是以名焉紐小鼻在武上笄所貫也今時冠卷當簪者廣表以冠繼其舊象與○數所主反卷起全反表音茂繼所買反

五采纁十有二就皆五采玉十有二玉笄朱紘

纁雜文之名也合五采絲為之繩垂於延之后各十二所謂遂延也就成也繩之每一而貫五采玉十二旒則十二玉也

周禮

卷三十一

司馬政官之職

永懷堂

每就間蓋一寸朱絃以朱組為絃也絃一條屬兩端於武纜不言皆有不皆者此為衰衣之冕十二旒則用玉二百八十八警衣之冕纜九旒用玉二百一十六毳衣之冕七旒用玉百六十八希衣之冕五旒用玉百二十玄衣之冕三旒用玉七十二○纜音早遼息遂反旒音雷下同屬音燭驚必滅反希張里反

諸侯之纜旒九就。瑁玉三采其餘如王之事。纜旒皆就。玉瑱玉笄。

侯當為公字之誤也。三采朱白蒼也其餘謂延組皆玄覆朱裏與王同也。由此則異纜旒皆就皆三采也。每纜九成則九旒也。公之冕用玉百六十二。玉瑱塞耳者故書瑁作玩。鄭司農云。纜當為藻。纜古字也。藻今字也。同物同音。玩惡玉名。○侯依注音公。瑁本又作瑁亡。貧反瑁吐練反。

王之皮弁會五采玉璫象邸玉笄。

故書會作體。鄭司農云。讀如馬會之會。謂以五采束髮也。士喪禮曰。檜用組。乃笄。檜讀與體同。書之異耳。說曰。以組束髮。乃著

笄謂之檜。沛國人謂反紒為檜。璫讀如璫車轂之璫。女謂會。讀如大會之會。會縫中也。璫讀如薄借。璫之璫。璫結也。皮弁之縫中每貫結五采。玉十二以為飾。謂之璫。詩云。會弁如星。又曰。其弁伊璫是也。邸下抵也。以象骨為之。○會劉古外反。注同并。檜檜二字亦同。璫亦其著。張略反。紒音計。抵丁禮反。劉音帝。

王之弁經弁而加環經。

弁經。王弼所服也。其弁如爵弁而素。所謂素冠也。而加環經。環經者。犬如總之麻經。纏而不糾。司服職曰。凡吊事。弁經服。

諸侯及孤卿大夫之冕。韋弁皮弁。弁經。各以其等為之。而掌其禁。

令。

各以其等纜旒玉璫。如其命數也。冕則侯伯纜七。就用玉九十八。子男纜五。就用玉五十。纜玉皆三采。孤纜四。就用玉三十二。三命之卿纜三。就用玉十八。再命之大夫藻。就用玉八。藻玉皆朱綠。韋弁皮弁。則侯伯璫飾七。子男璫飾五。玉亦三采。孤則

司豐 卷三 司馬政官之職 二 承慶

璽飾四，三命之卿璽飾三，再命之大夫璽飾二，玉亦二采，弁經之弁，其辟積如冕纁之就然，庶人弔者素委貌，一命之大夫冕而無旒，十變冕為爵弁，其韋弁皮弁之會無飾，弁經之弁不辟積，禁今者不得相僭踰也。玉藻曰：君未有命，不敢即乘服，不言冠弁，冠弁兼於韋弁皮弁矣，不言服弁，服弁自天子以下，無飾無等。○辟積必亦反。

司甲

闕

司兵掌五兵五盾，各辨其物，與其等，以待軍事。

五盾，干櫓之屬，其名未盡聞也。等，謂功活上下。鄭司農云：五兵者，戈、殳、戟、酋矛、夷矛。○櫓音魯。

及授兵，從司馬之灋以頒之。及其受兵，輸亦如之。及其用兵，亦如之。

從司馬之法，令師旅卒兩人數所用多少也。兵輸，謂師還，有司還兵也。用兵，謂出給備守。○卒子忘反。

祭祀授舞者兵。

授以朱干，玉戚之屬。

大喪獻五兵。

故書獻為淫，鄭司農云：淫，陳也。淫，讀為獻，玄謂獻與也。興作明器之役，器五兵也。士喪禮下篇有甲冑干箠。○獻虛金反，興虛應反。下同箠字。又作箠，側白反。

軍事，建車之五兵，會同亦如之。

車之五兵，鄭司農所云者是也。步卒之五兵，則無夷矛而有弓矢。

司戈盾掌戈盾之物而頒之。

分與授用。

司馬

司馬政官之職

定

衣履堂

祭祀授旅賁。故士戈盾。授舞者兵亦如之。

亦頒之也。故士。王族故士也。與旅賁。當事則衛王也。受如杖長。柔有四尺。

軍旅會同。授貳車。戈盾。建乘車之戈盾。授旅賁及虎士戈盾。

乘車。王所乘車也。軍旅則革路。會同則金路。乘繩證。反後乘馬。陪乘參乘。皆準此注。依字。

及舍。設藩。盾行則斂之。

舍。止也。藩。盾。盾可以衛者。如今之扶蘇與。

司弓矢。掌六弓四弩八矢之灋。辨其名物。而掌其守藏。與其出入。

法。曲直長短之數。

中春獻弓弩。中秋獻矢箛。

鳥獸者。唐弓大弓。以授學射者。使者勞者。及其頒之。王弓。弧弓。以授射甲革。楛質者。夾弓。庾弓。以授射豻。侯

王。弧。夾。庾。唐。大。六。者。弓。異。體。之。名。也。往。體。寡。來。體。多。曰。王。弧。往。體。多。來。體。寡。曰。夾。庾。往。體。來。體。若。一。曰。唐。大。甲。革。革。甲。也。春。秋。傳。曰。蹲。甲。而。射。之。質。正。也。樹。楛。以。為。射。正。射。甲。與。楛。試。弓。習。武。也。豻。侯。五。十。步。及。射。鳥。獸。皆。近。射。也。近。射。用。弱。弓。則。射。大。侯。者。用。王。弧。射。參。侯。者。用。唐。大。矣。學。射。者。弓。用。中。後。習。強。弱。則。易。也。使。者。勞。者。弓。亦。用。中。遠。近。可。也。勞。者。勤。勞。王。事。若。晉。文。侯。文。公。受。王。弓。矢。之。賜。者。故。書。楛。為。艱。鄭。司。農。云。楛。字。或。作。艱。非。是。也。國。師。職。曰。射。則。充。楛。質。又。此。司。弓。矢。職。曰。澤。共。射。楛。質。之。弓。矢。言。射。楛。質。自。有。弓。謂。王。弧。弓。也。以。此。觀。之。言。艱。質。者。非。○。射。甲。食。亦。反。下。以。意。求。之。楛。張。林。反。豻。音。岸。使。者。所。吏。反。注。同。蹲。音。鼓。反。

其矢箠皆從其弓。

從弓數也。每弓者一箠百矢。

凡弩夾庾利攻守。唐大利車戰野戰。

攻城壘者。與其自守者。相迫近。弱弩發疾也。車戰野戰。進退非強則不及。弩無玉弧。玉弧。恒服弦。往體少者。使矢不疾。

凡矢。枉矢。絜矢。利火射。用諸守城。車戰。殺矢。鏃矢。用諸近射。田獵。

矰矢。第矢。用諸弋射。恒矢。痺矢。用諸散射。

此八矢者。弓弩各有四焉。枉矢。殺矢。矰矢。恒矢。弓所用也。絜矢。鏃矢。痺矢。弩所用也。枉矢者。取名變星。飛行有光。今之飛牙是也。或謂之兵矢。絜矢。象焉。二者皆可結火。以射敵守城。車戰。前於重。後最輕。行疾也。殺矢。言中則死。鏃矢。象焉。鏃之言。候也。二者皆可以司候射敵之近者及禽獸。前尤重。中澁。而不可遠也。矰。繳於矢。謂之矰。矰。高也。第矢。象焉。第之言。劑也。二者皆

可以弋飛鳥。荆羅之也。前於重。又微輕。行不低也。詩云。弋鳧與鷹。恒矢。安居之矢也。痺矢。象焉。二者皆可以散射也。謂禮射及習射也。前後訂其行平也。凡矢之制。枉矢之屬。五分。二在前。三在後。殺矢之屬。參分。一在前。二在後。矰矢之屬。七分。三在前。四在後。恒矢之屬。軒輶中。所謂志也。鄭司農云。痺矢。讀為入。罷短之罷。玄謂痺。讀如痺病之痺。痺之言。倫比。○鏃。音候。矰。音增。第。扶弗反。中。丁仲反。下。中。澁。射中。同。繳。章。藥反。矰。字。物。反。輶。定。周。反。痺。方。二。反。比。毗。志。反。

天子之弓。合九而成規。諸侯。合七而成規。大夫。合五而成規。士。合三而成規。句者。謂之弊弓。

體往來之衰也。往體寡。來體多。則合多。往體多。來體寡。則合少。而圖弊。猶惡也。句者。惡。則直者。善矣。○弊。婢。世。反。衰。初。危。反。

凡祭祀。共射牲之弓矢。

射牲。示親殺也。殺牲。非尊者所親。惟射為可。國語曰。禘郊之事。天子必自射其牲。

澤共射楛質之弓矢。

鄭司農云澤澤宮也所以習射選士之處也射義曰天子將祭必先習射於澤澤者所以擇士也巳射於澤而后射於射宮射中者得與於祭○與音預

大射燕射兵弓矢如數并夾。

如數如當射者之數也每人一弓乘矢并夾。矢籥也○乘繩證反籥劉叔輒反又女十反

大喪共明弓矢。

弓矢明器之用器也士喪禮下篇曰用器弓矢

凡師役會同頒弓弩各以其物從授兵至之儀

物弓弩矢箠之屬○從才用反

田弋充籠箠矢共增矢。

籠竹箠也增矢不在箠者為其相繞相將用乃共之○為于偽反

凡亡矢者弗用則更。

更償也用而棄之則不償

繕人掌王之用弓弩矢箠增弋挾拾。

鄭司農云挾者所以縱弦也拾者所以引弦也詩云挾拾既次詩家說或謂挾謂引弦彊也拾謂鞬杆也玄謂挾挾矢時所以持弦飾也著右手巨指十喪禮曰挾用正王棘若擇棘則天子用象骨與鞬杆著左臂裏以韋為之○彊苦侯反鞬古侯反杆胡旦反著丁略反

掌詔王射。

周禮

卷五

司馬政官之職

六

承襲堂

告王當射之節

贊王弓矢之事。

授之

凡乘車充其籠箠載其弓弩。

充籠箠以盛矢

既射則斂之。

斂藏之也。詩云彤弓召兮受言藏之。○昭昌逢反

無會計。

亡敗多少不計。○會古外反。下大會同。後放此

豪人掌受財于職金以齎其工。

齎其工者給市財用之。直。○齎音咨。後皆同。

弓六物為三等。弩四物亦如之。

三等者上中下。人各有所宜。弓人職曰弓長六尺六寸謂之上制。上土服之。弓長六尺三寸謂之中制。中土服之。弓長六尺謂之下制。下土服之。弩及矢箠長短之制未聞。

矢八物皆三等。箠亦如之。春獻素。秋獻成。

矢箠春作秋成

書其等以饗工。

鄭司農云。書工攻拙高下之等。以制其饗食也。玄謂饗。酒肴勞之也。此工作上等。其饗厚。下工作下等。其饗薄。○勞洛。報反。

司馬政官之職

承懷堂

乘其事。試其弓弩。以下上其食而誅賞。

鄭司農云。乘。計也。計其事之成功也。故書試為考。女謂考之而善。則上其食。尤善。又賞之。否者反此。○下上時。掌反。注同。

乃入功于司弓矢及繕人。

成功。司弓矢。司繕人。皆在橐人者。所齎工之財。及弓弩矢箠出人。其簿書。橐人藏之。闕。猶除也。弓弩矢箠棄亡者。除之。計今見在者。○見賢。遍及。

凡齎財與其出入皆在橐人。以待會而攻之。亡者闕之。

皆在橐人者。所齎工之財。及弓弩矢箠出人。其簿書。橐人藏之。闕。猶除也。弓弩矢箠棄亡者。除之。計今見在者。○見賢。遍及。

戎右掌戎車之兵革使。

使謂王使以兵有所誅斬也。春秋傳曰。戰於穀。晉梁弘御戎。萊駒為右。戰之明日。襄公縛秦囚。使萊駒以戎斬之。○使色。吏反。

注使謂同。

詔贊王鼓。

既告王當鼓之節。又助擊之。

傳王命于陳中。

為王大言之也。○陳直慎反。為于偽反。

會同充革車。

會同。王雖乘金路。猶以革路從行也。充之者。謂居左也。曲禮曰。乘君之乘車。不敢曠左。

盟則以玉敦辟盟。遂役之。

鄭司農云。敦。器名也。辟。法也。玄謂將歃血者。先執其器。為眾陳其載辭。使心皆開辟也。役之者。傳敦血授當歃者。○敦音對。

贊牛耳。桃茆。

司豐。

司馬政官之職。

承襲堂。

鄭司農云贊牛耳春秋傳所謂執牛耳者故書芻為滅社子春云滅當為厲玄謂尸盟者割牛耳取血助為之及血在欸中以桃芻沸之又助之也耳者盛以珠盤尸盟者執之桃鬼所畏也芻音芻所以掃不祥○芻音列盛音成音條芻之受反

齊右掌祭祀會同賓客前齊車王乘則持馬行則陪乘

齊車金路王自整齊之車也前之者已駕王未乘之時陪乘參乘謂居右也齊右與齊僕同車而有祭祀之事則兼玉路之右然則戎右兼田右與○齊側皆反下齊車齊僕皆同

凡有牲事則前馬

王見牲則拱而式居馬前卻行備驚奔也曲禮曰國君下宗廟式齊牛

道右掌前道車王出入則持馬陪乘如齊車之儀

道車象路也王行道德之車

自車上諭命于從車

自由○從才用反

詔王之車儀

顧式之屬

王式則下前馬王下則以蓋從

以蓋從表尊

大馭掌馭王路以祀及犯軼王自左馭馭下祀登受轡犯軼遂驅

之

行山日軼犯之者封土為山象以菩芻棘栢為神主既祭之以車轅之而去諭無險難也春秋傳曰跋涉山川自由也王由左

司禮

司馬政官之職

禮記

馭禁制馬使不行也。故書馭作罰。杜子春云：罰當為馭。馭讀為別異之別。謂祖道轅馭大也。詩云：載謀載惟。取蕭祭脂。取瓶以馭。詩家說曰：將出祖道犯馭之祭也。聘禮曰：乃舍馭飲酒于其側。禮家說亦謂道祭。○馭蒲未反。注跋涉同。菩音倍。轅音歷。難乃旦反。別彼列反。磔陟格反。瓶丁今反。舍音釋。

及祭酌僕。僕左執轡。右祭兩軹。祭軹乃飲。

故書軹為斬。軹為範。杜子春云：文當如此。左不當重。亦非是。書亦或如子春言。又云：斬當作軹。軹謂兩鞵也。其或言軹亦非是。又云：軹當為範。範謂車前軹也。或讀軹為筭。筭之符。○軹音止。軹音犯。注軹同。斬劉音雞。重直龍反。鞵音衛。軹當媿美反。又音犯。

凡馭路。行以肆夏。趨以采薺。

凡馭路。謂五路也。肆夏采薺樂章也。行謂大寢至路門。趨謂路門至應門。○薺才私反。

凡馭路儀。以鸞和為節。

舒疾之法也。鸞在衡和在軹。皆以金為鈴。

戎僕掌馭戎車。

戎車。革路也。師出。王乘以自將。○將子匠反。

掌王倅車之政。正其服。

倅。副也。服謂眾乘戎車者之衣服。○倅七內反。

犯軼如玉路之儀。凡巡守及兵車之會。亦如之。

如在軍。

掌凡戎車之儀。

司豐

卷三 司馬政官之職

一

之夏

凡戎車衆之兵車也書序曰武王戎車三百兩

齊僕掌馭金路以賓

以待賓客

朝覲宗遇饗食皆乘金路其灋儀各以其等為車送逆之節

節謂王乘車迎賓客及送相去遠近之數上公九十步侯伯七十步子男五十步司儀職曰車逆拜辱又曰及出車送

道僕掌馭象路以朝夕燕出入其灋儀如齊車

朝夕朝朝莫夕○朝夕直遙反朝朝上如字莫夕音暮

掌貳車之政令

貳亦副

田僕掌馭田路以田以鄙

田路木路也田田獵也鄙循行縣鄙○行下孟反

掌佐車之政

佐亦副

設驅逆之車

驅驅禽使前趨獲逆徇還之使不出圍○簡本又作御同五嫁反

令獲者植旌

以告獲也植樹也

及獻比禽

田弊獲者各獻其禽。此種物相從次數之。○此毗志反。

凡田王提馬而走。諸侯晉大夫馳。

提猶舉也。晉猶抑也。使人叩而舉之。抑之皆上奔也。馳放不扣。

馭夫掌馭貳車。從車使車。

貳車象路之副也。從車戎路田路之副也。使車驅逆之車。

分公馬而駕治之。

乘調六種之馬。

周禮三十二 終

